



URWEGO W'UKWIVUNA ABANSI  
RW'UBURUNDI  
IBIRO BIKURU VY'INTWARAMIHETO

**ITANGANZO KU BIMENYESHAMAKURU**

1. Haraciye iminsi, umugwi wa M23 n'iyindi migwi yitwaje ibigwanisho isubiye gutana mu mitwe mu turere tutari duke two muri Kivu ya ruguru muri Republika iharanira intwara rusangi ya Kongo.
2. Izo ntambara zirasesereza ubuzima bw'abanyagihugu baba muri utwo duce, kandi ziranabangamira ibikorwa ingabo z'akarere k'ibihugu bihuriye mu muryango wa Afrika y'Ubusuruko zisabwa kurangura.
3. Nk'akarorero, kw'igenekerezo rya 21 Gitugutu 2023, imodoka z'abasirikare b'Uburundi hari mu ngabo z'akarere k'ibihugu bihuriye mu muryango wa Afrika y'Ubusuruko, zari zitwaye ibifungugwa ku birindiro vy'ahitwa KITCHANGA na MWESO zarankiwe kurengana n'umugwi wa M23, aho uwo mugwi wugaye ibarabara rija muri utwo turere. Ivyo nyene vyarasubiriye kuba kw'igenekerezo rya 30 Gitugutu 2023, igihe imodoka zari zijanye ibifungurwa zariko zija kuri ivyo birindiro nyene, zankirwa kurengana n'umugwi wa M23. Ibiro bikuru vy'ingabo z'akarere k'ibihugu bihuriye mu muryango wa Afrika y'Ubusuruko vyarasabwe gutorera umuti izo ngorane, ariko ntivyashoboye kwumvisha umugwi M23 ngo wugurure iryo barabara.
4. Urwego rw'ukwivuna abansi rw'Uburundi ruramenyesheje ko rudashobora kugumagwihanganira ingendo nk'iyi. Abasirikare b'Uburundi hari mu ngabo z'akarere k'ibihugu bihuriye mu muryango wa Afrika y'Ubusuruko bategerezwa gufata ingingo zibereye.
5. Nahu hari izo ntambanyi duhejeje kudondagura, Urwego rw'ukwivuna abansi rw'Uburundi rurongeye kwibutsa abatwara inteko z'Uburundi ziri mu ngabo z'akarere k'ibihugu bihuriye mu muryango wa Afrika y'Ubusuruko kwama na ntaryo bakora bisunze amategeko bahabwa n'ibiro bikuru vy'izo ngabo z'akarere k'ibihugu bihuriye mu muryango wa Afrika y'Ubusuruko.

Umuvugizi w'Urwego rw'ukwivuna abansi rw'Uburundi  
**BIYEREKE Floribert**

Colonel

